

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Caput 27. Quomodo Deus cordi ejus inseruerit internam crucem, & capiti coronam spineam, similitérq[ue] vulneraverit illius manus, pedes, ac latus.

urn:nbn:de:hbz:466:1-38580

dictum; & ego scio, potest in ipso esse gladius, qui illud pertranseat? Ita soror (dixit sanctissima Virgo) hoc minimè reputat, immo ubi hospitatur JESUS, ibi quoque est Crux; & filius meus illam habuit toto tempore, quo vixit in mundo: atque

ego similiter, ex quo eum genui, illâ nunquam carui: quæ fuit tanta, ut vos non possitis scire, aut cognoscere ipsius gravitatem. Veritas hujus responsi apparebit ex ijs, quæ incipiemus referre in sequentibus capitibus.

(28) * * *(29)

C A P U T X X V I I .

Quomodo DEUS cordi ipsius inferuerit internam
crucem, & capiti coronam spineam, similiterque vulneraverit
illius manus, pedes, ac latus.



Ub finem ejusdem anni, quo quadragesimum quintum sue aetatis numerbat, in festis Nativitatis, & Circumcisionis, anno 1599. & millesimo, sexcentesimo, Dominus jecit fundamenta pro continuo exercitujs suis inendorum ingentium dolorum, ac terribilium afflictionum, quibus ipsam decreverant probare ac perficere, imprimendo illi internè, ita ut non adverterentur exterijs insignia sua passionis, cum magno dolore, & modo admirabilissimo, quem, ut pote extordinarium, descripsit fusijs, aperiendo se Confessarijs, hac ratione.

§. I.

Tantus est amor, quo DEUS prosecutur suas creaturas, ac tam sublimia sunt opera, & incomprehensibilia iudicia ipsius Sapientiae, quæ in illis operatur, ut me reddant attonitam, ac obstupesciant, neque illa possim intellectu percipere, vel verbis explicare; adeoque ex magnitudine ipsius operum, quæ peragit in ista sua vilissima creatura, & contemptibilissima omnium, quas habet Divina ejus Majestas, id solum mihi remanet, quod ipse mihi relinquit, atque etiam liberaliter donat; & est clarissima cognitio magnæ meæ miseriae, quamque nihil valeam ac possim; siquidem per talia opera & gratias non proficio, neque scio mandare executioni, vehementia placendi ipsi ac servendi desideria, quæ Divina Majestas indi-

dit meæ animæ. Ut omnes videant quād id mihi meritò esset faciendum, & quād sumus omnes obligati idcirco honorare ac amare hunc Dominum nostrum, qui talia in nobis operatur, illique servire omnibus viribus nostris, referam, quod mihi his diebus accidit. Quia etiamsi hæc opera sint in singulis diversa, adeò tamen bene cuique convenient, suntque ita accommodata, ac proportionata cujuslibet indigentiae ac genio, ut nulla alia possint cuiquam melius congruere, atque adaptari singulorum necessitatibus, ac aptitudini. Atque ita, ea quæ Divina Majestas operatur in quolibet, sunt ejusmodi, quæ unusquisque debet velle & desiderare, ac aestimare, & quibuscum tenetur amare, honorare, ac revereri hunc Dominum; eadem siquidem bona vult hac viâ ipsius animæ, quæ aliâ viâ alteri.

Postquam igitur mihi DEUS indidisset ingens desiderium amore sui aliquid patiendi, ex doloribus, quos ipse pertulit in Cruce; aliquando manè collecta more folito, vidi Christum Dominum, cuius asperitu mea anima fuit vehementer recreata, & aspiciebam illum cum omni reverentia, quâ poteram. Interca mihi dixit Divina Majestas: Volo tibi aliquid dare, quod te plurimum consolabitur, ac recreabit. Expectavi modicum, ut viderem, quid mihi Divina Majestas vellet dare; & paulò post confexi in sacratissima manu Christi JESU Domini Nostri crucem elegantissimam ac pretiosissimam, cuius magnitudo & longitudo adæquabat spithamam. Et monstrando mihi ipsam Divina Majestas, dixit

Q. 2

ad

ad me: Visne hanc tam elegantem crucem? Tum ego illam sum contemplata diutissimè, & placuit mihi summopere, dixique quām promptissimè & cupidissimè, ut eam mihi Divina Majestas daret: Ita, Domine. Divina verò Majestas subjunxit: Sit ita, licet, dabo illam isti tuo Angelo Custodi, ut tibi ipsam asservet. At ego dixi: Hoc non, Domine. Nolo, si tu id jubes, ut illam des, aut tradas ulli alteri, quām mihi. Et Dominus: Dic ergo, aiebat, ubi tibi eam velis ponit? Respondi: Hic Domine, suprà meum cor. Accesitque Divina ipsis Majestas, & posuit mihi illam supra cor, ibique reliquit. Et quando mihi ipsam imposuit, sensi dolorem, qui adeò penetrabat animam, ut præ illius vehe- mētia diu gemerem ac suspirarem: per- cipiebam verò supra cor eum dolorem & molestiam ex Cruce, quam in ipso gerebam, ut illud frequenter manu attrectare, quia mihi videbatur non posse fieri, quin illam sentirem exterius. Nesciebam, utrū cum eo dolore ac obstaculo crucis me possem vestire, & induere togam. Post hoc Dominus ostendens se mihi compati, discessit: & ego semper sentiebam crucem in corde, cum eadem afflictione ac dolore, licet quibusdam diebus amplius, quām alijs. Alio die placuit D E O, ut meam animam occuparet summus dolor, & cruciatus, unā cum profundissima cognitione, mei ipsis; quæ me ita affligebat & angebat, ut vix mihi viderer habere vires pro toleranda ea cruce, & sic magna ex parte fuerunt debilitatæ vires mei corporis.

§. II.

E Lapsis aliquot diebus, atque biduo post Festū Circumcisionis, aliquando manū agens cum D E O, vidi Sanctissimum pterum J E S U M, in brachijs suæ Sacratissimæ Matris, qui amplexabatur quādam elegantissimam & inauratā Crucem, quæ circiter ulnæ habebat longitudinem. Dum autem illum cum ea cruce contemplarer, ceipi tenerescere, & lacrymari, dicendo ipsi: Meum Bonum, & mi Domine, video, quod ex hoc tempore am-

plectaris Crucem, quia cùm essem infans- eto dierum, incepisti profundere tuum pretiosum sanguinem pro nobis. Divina autem Majestas mihi dixit: Si ex eo tem- pore incepisti profundere sanguinem, quid tibi videretur? Aspicebam diu Sanctissimum Puerum, & Sanctissimam ejus Matrem, cum tanto meæ animæ solatio, ut non possem ab illo avertere oculos; & timebā nè abiret, me non animadvertisse. Cùm me Sanctissimus infans videret ita aspi- centem, dixit mihi: Noli timere, ut tam citò abeam; volo enim hic tecum manere, usque ad horam septimam; erat autem tunc quarta. Unā horā post, prorius ex improvviso, & me non cogitante, quid Di- vina Majestas esset factura, vidi drepente, nullo mihi à quoquam dicto verbo (quem- admodum D E U S solet in similibus age- re) fuisse impositam meo capiti coronam spineam, quæ mihi attulit dolorem ac af- flictionem internam penitus infolitam, adeò redundantem in ipsum caput corpo- reum, ut illud non possem mouere, nec vertere, neque inclinare, præ ingenti dolore, quem propter illas spinas sentiebam; & aliunde ita fui consternata his Divine Sapientiae ac Bonitatis operibus, ut vix possem ad me redire. Paulò post mihi dixit Christus Dominus: Dic mihi, visne, ut etiam in tuis manibus imprimam vulnera? Dum hoc audirem dici a Divina Majestate, subito respondi quād determinatissimè, ac dixi: Non Domine, non Domine nullā ratione volo, ut sic mecum agas, vel ut in me aliquid simile opereris, aut me in hoc similem reddas illis sanctis animabus, quæ excellentes præclarissimis virtutibus, tibi serviverunt, cum tanta vitæ perfectio- ne. Idcirco destitit Divina Majestas, vi- dens me ita repugnantem, nec mihi tunc voluit vim inferre; dixit mihi tamen: Pro- præterea tibi nihil fuit dictum, quando tibi est imposta corona spinea, nè illius im- positioni codem modo resisteres. Hoc di- cto, sanctissimus Puer J E S U S manit apud me sati diu, complectens suam Cru- cem, solo brachio sinistro, & in capite Cru- cis erat corona spinea coloris viridis. Te- nebat illum sanctissima ipsius Mater in suis bra-

brachijs cum magna reverentia, & quando illum intuebatur suis sacratissimis & speciosis oculis, faciebat id quām amabilissimē ac reverentissimē, & cum quadam cœlesti modestia. Ego non poteram abstrahere oculos ab illo, & eram solicita, ut viderem, quando essetabiturus. Sed ipse mihi dixit: Nè sis solicita, neque te affligas, quia non abibo tam citō; necdum enim est executioni mandatum, quod mihi tecum est conficiendum. Atque paulo pōst Dominus in dicta specie parvuli, sed absque Cruce, quam priūs habuerat, ad me acceſſit quām amantissimē, strinxitque me brachijs stante cum omni mihi possibili reverentia, vestitam & coopertam velo, atq; capite redimito coronā spineā, & vultu vehementer inflammato, nec non cum Crucē, quam mihi Dominus dederat, ac posuerat supra cor. Ex quibus omnibus fiebat, ut sentirem afflictionem & dolorem internum, quem novit Dominus, adeò ut mihi viderer quasi crucifixa; nec enim me poteram movere; videbamque me ipsam tam clarē, quām si me intuerer in speculo clarissimo, & nitidissimo; & consternabar, videns me tam insolito modo cōſtitutam.

§. III.

Completo hoc opere Dominus mihi valedicens desijt videri, & ego toto illo die ac nocte sensi afflictionem ac dolorem internum, de quo dixi. Interdum autem contreftabam caput manu, ut animadverterem, an aliquid fortē notaretur exterius de eo, quod fentiebam internē: contremiscebam enim ad ea, quae comparerent extrinsecus. Postea horā septimā noctis, cūm essem more solito in mea collectione, postquam comparuisse coram Domino, dixit mihi Divina Majestas hēc verba: (quamvis me vehementer pudeat illa scribere) Filia mea, & Amica mea, plurimum mihi ita places, cum isto vestitu, & novis insignibus, quae ego tibi dedi. Tum conjecti oculos in Divinam Majestatem, & mea anima, nullo à me ipsi dicto verbo incepit exardescere amore sui dulcissimi ac dilecti Domini, qui ipsam tam amanter,

talibus verbis fuerat alloquutus; cūm sim indignissima, & miserabilissima omnium creaturarum. Postridie manē cādem horā, quā mihi pridie fuerat apposita illa corona, cūm essem collecta, quemadmodum soleo, vidi eandem coronam, quam tanto cum dolore gestabam in capitē, floruisse, ac produxisse quosdam flores elegantissimos, & gratiosissimos. Terrefacta, ac attonita illo prodigio, movi caput, ut experirer an sentirem illum dolorem, quem priūs; & adverti non esse tantum, nec tantum, sed multò minorem, ac deinde me convertens ad Dominum, dixi illi: Mi Domine, quid est hoc? quales flores sunt isti, qui effluerunt in ista corona spinea? Respondit mihi Divina Majestas: Ilti sunt flores meritorum, quae tibi doloribus, quos propter spinas hujus coronæ es passa, comparavisti; adeò ut, sicut ex corona spinea, quae fuit imposita meo capiti, enati sunt tot ac tam Divini flores meritorum universo humano generi, & mihi; ita ex eo, quod pro te es merita, per dolorem & afflictionem, quam tibi corona hēc attulit, orti sunt hi flores, quos vides. Idem tibi etiam multū proderunt, tēque recrebunt, ut non sentias tantum dolorem, ita enim ego statui, ut possis hac ratione durare, & conservare tuas modicas vires. Post tempus meæ collectionis, sensi magis sublevatum caput, & retinui in ipso illam floridam coronam spineam, nec non meā Crucem infixam cordi. Placuit nihilominus Domino, fuscitare in mea anima aliam internam crucem, quae duravit biduo vel triduo, ortam per infinitam ipsius Sapientiam, ex profunda mei ipsius cognitione, quae me vehementer affligebat. *De ista cruce jam actū est in capite quinto & sexto.*

§. IV.

Elapsō uno, alterōve die ab eo, quod evenisse dictum est, dum manē agerem cum Domino, rursus mihi dixit: Visne consentire in id, quod tibi dixi nuper? visne, ut tuæ manus vulnerentur? Ego subito respondi, sicut primâ vice, valde definite ac fieri: Non, Domine, nullo modo,

modo, nequaquam Domine; nec minima hujus rei facienda est mentio. Audit Dominus, quod à me dicebatur cum illo firmo proposito, & sicut, neque mihi tunc quidquam dixit: paulò post mihi de-nuò, cum quadam determinatione, quasi in me facturus, quod ipse vellet, dixit: Veni huc, visne, quod tibi dixi? atque tunc ego reposui: Non vellem Domine ullā ratione; sed quia animadvertebam decreuisse Dominum id facere, dixi illi tenerius, & submissius, ac plurimum dolens de eo, quod sua Majestas volebat peragere in isto miserabili & fragili limo: Quomodo verò Domine, debeo in rem hujusmodi consentire? Non, Domine, si ita jubes. Quo pacto enim, mi Domine, vis me miserabilem parem facere Sancto Francisco? Quis hoc toleret? dum id dicarem, timebam aliquantum, nè propter tantam pertinaciā mihi responderet, ut sancto Petro, quando nolebat permittere lavari sibi pedes. Verum non ita mihi respondit, ex sua bonitate; & quia cognoscebat meam miseriariam; sed demittendo suos sacratissimos oculos cum summa gravitate dixit: Tace modo, quia non intelligis, quid agam. Dum hoc Divina Majestas diceret, incipiebam sentire cruciatum ac dolorem internum in manibus: argue tunc incepi timere, advertendo & sentiendo illud tam singulare & extraordinarium opus DEI, & conquerere Divinæ Majestati, dicendo ipsi: Quid facis, mi Domine? miserere mei miserabilis & maximæ peccataricis, doce me amare te, & querere omnibus meis viribus, ac tota anima mea: quia hoc unicum est, quod volo, & quaro. Post istam collectionem habui manus jam intrinsecus vulneratas, tametsi nequid esset completum illud opus, & fui usque adeò consternata ac attonita, propter illam tantam novitatem, ut mihi viderer non esse præsens. Oprabam autem unicè dependere à Domino, invocando ipsum, & implorando semper ejus gratiam, ac auxilium, ut in omnibus illi placerem.

Postquam istud eo die accidisset, dum sequenti manè agerem cum DEO, more solito complevit ejusdem Majestas vul-

rum impressionem, in istis miserabilibus manibus: quo tempore sentiebam ingenitum in illis molestiam ac dolorem internum, & conquerere vehementer Divinæ Majestati; ac timendo meam magnam miseriariam, dicebam ut consideraret, me esse indignissimam tali opere, talique misericordiā, & me esse limum, ac vas fragile, non continens fideliter liquorem illi infusum; atq; reponere ipsum dona sua in meis manibus, esse idem, ac vas aliquod vitreum valde elegans & pretiosum committere manibus parvi infantis, ideoque me juvaret Divina Majestas, mèque respiceret oculis suæ misericordiæ, ut illi ita complacrem, redderéque securior. Absoluto opere, quod Dominus peregit in meis miserabilibus manibus, retinui in medio illarū interna vulnera, quia in ea parte specialius sentiebantur, & sensi in ipsis prorius singularem dolorem, & cruciatum, non solum internum, sed etiam extermum; adeò ut ipsa caro præberet verum testimonium ejus, quod fiebat internè, & pellis ac volv manuum evaderent, essentque tam sensitivæ ac delicatæ, ut interdum in quibusdam partibus tantopere prurirent, ut videbatur indè erupturus sanguis, quod me multò magis consernabat, & obstupefiebat, quam primâ vice. Gratus interim agebam DEO pro omnibus ipsis admirandis operibus, cù quod Divinæ Majestati placuerit, pro meo solatio facere, ut per signa adeò manifesta doloris, agnoscerem id, quod Divina Majestas in me internè operabatur.

§. V.

Alio die, tempore matutino, dum, si cut soleo, agerem cum DEO, incepit drepente sentire in pedibus illam molestiam ac dolorem, quem senseram in manibus, quando in illis Dominus impressit vulnera; & statim vidi, ac sensi, quod à Divina Majestate, jam in ipsis essent impressa vulnera, sicut in manibus, relictis ibi internis eorum signis. Postridie manè, dum similiter agerem cum Domino, complevit impressionem vulnerum in pedibus, in quibus habebam quædam inter-

na

na foramina, quæ utrinq; transibant pedes. Et quamvis statim exterior dolor non fuerit tantus, neque signa exteriora, qualia erant manuum; fuerunt tamen postea, crantque plantæ pedum tam sensitivæ, & pellis illarum tam tenera, ut non potuerim ipsis insistere sine molestia; quod semper durat, sicut in manibus. Post hoc subito incepi sentire dolorem in corde, & in latere sinistro, dixitque mihi Dominus quam amantissimè: Quomodo tecum agitur? quomodo vales? Quando id audivi dici à Divina Majestate, fuit mea anima repleta quam maximo ipsis amore, cum quo illi respondi: Quomodo valeam, dicis, meum Bonum, ac mihi Domine? ut tibi obediam, faciasque de me, quidquid volueris, tibi; ysum fuerit. Paulò post circumspectiens oculis animæ, vidi utrumque meum latus stipari à quibusdam sanctis Angelis, mirum in modum speciosis, qui elevantes, ut mihi videbatur, hoc miserabile corpus, dicebant altâ voce, & cantando hæc verba (quæ cum magna mea mortificatione scribo, ac tantum refero, ut obediam DEO, & in hoc exequar ipsum voluntatem, atque ut cognoscantur opera Bonitatis ejus, & Sapientia) ostendentes mirari se vehementer, & specialiter amare, ac honorare istam miserabilem creaturam, propter suum illum Dominum, qui ipsam ex infinita sua Bonitate & Sapientia suis manibus signaverat; dicebant, inquam: Hæc est serva, & sponsa magni Domini, hæc est illa, cui Divina Majestas contulit tesseras & insignia sua: contemplemur illam, ut talem. Ego miserabilis hoc auditio fui confusa, & obstupei, tacens, neque sciens, quid

michi esset dicendum. Alioquin enim ignoro, quid respondisse illo aucta honore, qui exhibebatur isti miserabili simeto, quod eo erat prorsus indignum: siquidem nunc, dum illum describo, & cognosco meam miseriam ac indignitatem, lachrymor, & ex animo doleo.

Postridie manè, dum agerem cum Domino, est absoluta impressio vulneris in corde, & sinistro latere, quæ pridie fuerat inchoara, remanente ibidem ipsis signo impresso, sicut in reliquis partibus. Arque ista impressio non attulit tantum exteriorum dolorem, quantum sensi in alijs, quia ita constituerat, & providerat misericordia DEI, eò quod illa pars cordis sit adeò delicata, & sensitiva, in hac miserabili creatura, ex quo ipsi fuit manu Divinæ Majestatis inserta illa Crux. Experta sum tamen deinceps majorem dolorem ac molestiam in ea parte, quam ante. Sequenti die manè agens cum DEO, more consueto, vidi & sensi, quod ex vulneribus manuum fluxerit, quasi ex totidem canalibus, sanguis, qui descendens per brachia, ac afficiens speciali molestiæ & dolore eadem brachia, se cum eadem afflictione & dolore diffundebat per totum corpus, quod usquequaque erat tanquam vulneratum & concisum. Post hoc mihi dixit Dominus, ac si mè velleret consolari, & satisfacere præteritis meis timoribus: Jam est consummatum opus, quomodo vales? Jamne es contenta eo, quod tantopere timebas? Audivi, quod mihi à Divina Majestate erat dictum, & ingens inde percepi solatium: atque ita fuit finitum tempus meæ collectionis.

C A P U T X X V I I I .

De colloquijs, quæ Christus Dominus cum illa instituit, de impressione istorum vulnerum, & quomodo ipsis donaverit pretiosa cimelia, propter dolores, quos in ijs sustinuerat.

His

